

<p style="text-align: justify;"><span style="font-size: 10pt;"><span style="font-family: arial, helvetica, sans-serif;">Selasa, 26 Januari 2021 @ 1:51 PM</span></span></p> <p style="text-align: justify;"><span style="font-size: 10pt; font-family: arial, helvetica, sans-serif;">Petaling Jaya: Menyamar sebagai 'rakan' atau 'saudara' dengan memberi alasan menggunakan nombor telefon baharu. Itu taktik penipuan dalam talian menyebabkan kerugian RM250,000 yang dikesan di daerah ini sejak tahun lalu.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">Ketua Polis Daerah Petaling Jaya Asisten Komisioner Nik Ezanee Mohd Faisal berkata, dalam keadaan negara berdepan pandemik Covid-19, ramai mencari jalan pintas untuk mendapatkan wang dengan cara mudah.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">Menurutnya, setakat inu pihaknya menerima sebanyak 78 laporan polis berhubung penipuan urusan pinjaman wang dalam talian sejak Januari tahun lalu sehingga kini.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">Katanya, kebanyakan kes penipuan itu menggunakan modus operandi menyamar sebagai rakan atau saudara bagi urusan pinjaman wang.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">"Berdasarkan keterangan daripada mangsa-mangsa, suspek mulanya akan memperkenalkan diri sebagai 'rakan' atau 'saudara' dan memberitahu nombor telefon yang digunakan itu adalah nombor baharu kerana nombor telefon asal hilang.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">"Malah, suspek turut berjaya memperdaya mangsa dengan meniru suara sebenar atau mirip suara rakan atau ahli keluarga mangsa," katanya dalam satu kenyataan, hari ini.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">Nik Ezanee berkata, suspek menggunakan profil WhatsApp memaparkan gambar rakan mangsa membuatkan mereka bertambah yakin bahawa rakan terabit sedang dalam kesusahan dan ingin meminjam wang.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">"Mangsa diberi nombor akaun bukan milik 'rakan' atau 'saudara' lalu memasukkan wang tanpa membuat semakan terlebih dahulu.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">"Mereka hanya menyedari ditipu apabila menghubungi semula rakannya atau ahli keluarga itu menggunakan nombor telefon asal, tetapi mendapat tiada permintaan meminjam wang seperti didakwa," katanya.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">Justeru, katanya, orang ramai diminta berhati-hati atau membuat semakan jika mempunyai keraguan menerusi laman sesawang <a href="http://ccid.rmp.gov.my/semakmule">http://ccid.rmp.gov.my/semakmule</a> atau Bilik Gerakan Ibu Pejabat Polis Daerah (IPD) Petaling Jaya di talian 03-79662222.</span></p> <p style="text-align: justify;">◆</p> <p style="text-align: justify;"><span style="font-size: 10pt; font-family: arial, helvetica, sans-serif;">Sumber: <a href="https://www.hmetro.com.my/mutakhir/2021/01/668165/awas-taktik-ini-nombor-baharu">https://www.hmetro.com.my/mutakhir/2021/01/668165/awas-taktik-ini-nombor-baharu</a></span></p>